

Na osnovu člana 16 stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09) i člana 70. Zakona o javnim nabavkama („Službeni glasnik BiH“, broj: 39/14, 59/22 i 50/24), na Preporuku Komisije za javne nabavke, broj: 01-45-2181-8/24 od 26.11.2024. godine, Vlada Hercegovačko-neretvanskog kantona je na 32. sjednici, održanoj 5.12.2024. godine, donijela

O D L U K U
O IZBORU NAJPOVOLJNIJEG PONUĐAČA
ZA PREDMET JAVNE NABAVKE „NABAVKA DVA (2) SANITETSKA VOZILA
ZA POTREBE DOMA ZDRAVLJA JABLANICA I DOMA ZDRAVLJA RAVNO“
U OTVORENOM POSTUPKU

I

Daje se saglasnost na Zapisnik o ocjeni ponuda, broj: 01-45-2181-7/24 od 26.11.2024. godine i prihvata Preporuka Komisije, broj: 01-45-2181-8/24 od 26.11.2024. godine za predmet javne nabavke „Nabavka dva (2) sanitetska vozila za potrebe Doma zdravlja Jablanica i Doma zdravlja Ravno“ i za najpovoljnijeg ponuđača se bira: „M.R.M. export-import“ d.o.o. Ljubuški, koji je ponudio specijalno sanitetsko motorno vozilo uređeno i opremljeno medicinskom i drugom pratećom opremom neophodnom za prevoz bolesnika, i to:
Volkswagen – model i tip: Crafter Furgon 2.0 TDI, turbodizel, zapremina motora: 1968 ccm, 130 kW, boja: bijela, godina proizvodnje: 2025., pod sljedećim uslovima:

1. Ukupna cijena ponude za 2 vozila: 300.000,00 KM bez PDV-a, odnosno 351.000,00 KM s PDV-om;
2. Cijena jednog vozila: 150.000,00 KM bez PDV-a, odnosno 175.000,00 KM s PDV-om;
3. Plaćanje – 7 dana nakon isporuke vozila;
4. Jedinične cijene i ukupna cijena je nepromjenjiva;
5. Rok isporuke: 150 dana od dana zaključivanja ugovora.

II

Ugovor s izabranim ponuđačem zaključit će se nakon pravosnažnosti Odluke o izboru najpovoljnijeg ponuđača, odnosno nakon isteka roka od najmanje 15 dana računajući od dana kada su svi ponuđači obaviješteni o izboru najpovoljnijeg ponuđača.

III

- (1) Protiv ove Odluke dopuštena je žalba Ugovornom organu u roku najkasnije 10 dana nakon zaprimanja Odluke o izboru najpovoljnijeg ponuđača.
(2) Žalba se ulaže Ugovornom organu u pisanom obliku, direktno, elektroničkim putem ili preporučenom poštanskom pošiljkom, a sve u skladu s članom 99. Zakona o javnim nabavkama.

IV


Ova Odluka će, u skladu s članom 70. tačka 6. Zakona o javnim nabavkama, biti objavljena na web-stranici Vlade HNK istovremeno s upućivanjem iste ponuđačima koji su učestvovali u postupku javne nabavke.

V

Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01-102-2996/24
Mostar, 5.12.2024. godine



PREDSJEDNICA

Marija Buhač